

erat opum bellicarum potentia, quæ in quatuor exercitus, quos nos brigades vocare possumus, divisa fuit, Ducibus Juda, Ruben, Ephraim, Dan existentibus, *Num. I. c. toto*, Nec minus ista æqualitas patet ex manuum totius populi in ordinatione Levitarum impositione, qua populus liberum suum declarabat suffragium. *Num. VIII. 9.* Et quid aliud, quæso, totius terræ Sanctæ factam sorte distributionem effecisset, nisi dominii æqualitas favisisset? *Jos. XIV, 2. Num. XXXIII, 53. 54. C. XXXIV, 13.* Quid aliud ista Seniorum è populo electio nisi æqualitatem civium inuebat? Hi enim totum Israeliticum populum repræsentabant; quem Moses propterea ita alloquitur: *Date vobis viros sapientes atque intelligentes & notos juxta tribus vestros tum respondistis mihi, & dixistis bonum est verbum quod locutus es te facturum. Deut. c. I. v. 13. 14.* Ad Democratiam enim instituendam Magistratum e populo eligi necesse est. Ultima denique æqualitatis ratio ipsa æqualis agrorum bello captorum divisio est. Teste enim Grotio *Lib. III. cap. VI. §. XI.* & *ibid. in Notis, apud Hebreos & Lacedæmonios ager manu captus sortito divisus est, neq; Rex ullam habuit prærogativam, quippe qui tantum ferebat quantum singulæ tribus. Notatum id esse Digest. Talmud. Tit. de rege affirmat laudatus Autor.*

§. XIV. Quoniam itaque ex adductis modo argumentis Judaicæ Reip. ratio status roborari abunde potest, quilibet nunc causā facile tangent, quidnam Mosen ad promulgandam legem agrariam urserit: *Quod si enim Deo placuerit, ut hæc Respublica Democratia maneret, tales etiam leges debuit sancire, quæ hunc statum conservarent.* Ferme enim cœgentiorem quemque ditior pretio expellit, atque dum rura in immensum supervacaneis spatiis extendit, necessariis alios excludit. *Quo facto summo Regionis Dominio ad paucos devoluto Aristocratia oriri tandem solet.* Suppetit etiam alia ratio, quæ eandem postulavit legem; *Cavere nimirum Moses voluit, ne civium languescerent animi virtusque eorum remitteretur.* Voluit idem, ut pastoritiam vitam viverent, agrisque colendis vacarent, multis ita vitiis obice posito. Nam si coëmere omnia lege permisum fuisset, ditiores laboris munia aliis sine dubio commisissent, otio ipsos interim corruptente, atque ad inertem vitam invitante. Quibus tot tantisque malis, quæ Remp. Judaicam ceu pestis quædam invasissent, bene sapienterque à Consultissimo divinorum ac humanorum Mose obviam itum est, dum Jubilæi Jura sancivit; quæ *Deut.*

*XXV.*